

吾弟鹿坪雄才績學名滿東南早歲舉京兆為當代

公所賞識以貧故奔走四方所至輒登臨題詠積有篇

茲霞光集一編紆餘卓犖清麗 綿蕪有錢劉元白

間或寄情婉孌流連薌澤亦皆意致遙深可以攀

而提八 初非致光之香奩鐵崖之續幣所能比

似也夫美人香草騷人所以寫怨鹿坪屢躋春官飢驅

道路而乃托於閨房兒女子之詞以抒其無聊不平之

其 而其情悲矣憶甲午秋與余相遇於武昌同

慷慨 古閱三年迄今丁酉秋復相遇於

寥落如故時適在方壺弟齋頭三人酣飲至

余讀之則舊遊歷歷如昨而漂零

同之不禁清淚之泫泫下也雖然鹿坪抱負
常知音不乏行且南宮中選人 承明著作之廬所
為詩歌皆將上 典引下躡貞符以附於雅頌之後則
茲集不又為刺語也哉丁酉重九前三日茗上輪翁愚
兄樹本拜題於直沽寓舍

附毛西河太史書

耳雖聾一聞大名如晨鐘之警於心若大文方幅清
蕩翻覆可喜則雖盲者猶思見之况眊目儼存其
我蒙昧多矣所歉者馬齒過長未審過此會合否耳
弟以避人故走遍天涯相識者衆 實無多人如貴鄉
迦陵蓉湖 反真大抵皆才人之尤者耳先生以

才子而生名郡即 其所著早足以雄長藝林辟易儕
輩時弟所推望不止於是方今聖學淪夷六經晦蝕天
鍾之英必有抒發揮戈力挽先生寧得無意乎小兒南
歸 教已多數行之復難伸意緒老筆慌惚惟祈諒之
竒齡 首

霞光集詩目

卷一

古詩近體共計一百三十三首全

卷二

古詩近體共計一百三十八首 存一百三十五首闕三首





國家圖書館, NATIONAL CENTRAL LIBRARY, TAIWAN, R.O.C.

雷光學印

霞光集

詩卷一

夢遊

絡角明河澹雨餘
石樓香冷近仙居
吟成半入霞光集
好夢時時到玉虛

春日都門襟咏

萬國共球進尚方
迎春纔罷滿城忙
小侯玳轂趨燈市
幼婦珠軒集象房
西苑魚龍陳百戲
前門煙火賽諸王
太平樂事真難盡
擁路笙歌夜未央

紛紛車馬向斜街
廟市新年闢物華
攤出畫為三代器
買家爭竒動廢中人產
炫異先烘上品花



昆陵 沈鍾 鹿坪

國家圖書館, NATIONAL CENTRAL LIBRARY, TAIWAN, R.O.C.

觸目

賞尋常珠玉等泥沙

二月輕寒好踏青御溝初放柳條新紅粧玉貌湔裙女
碧憶珠輪上塚人巷鼓猷殘元夜月錫簫吹暖杏花春
最憐扶動鞦韆索拂地長裾惹画塵

金魚池上綠波生又見城南逐隊行到處開缸沽酒望
滿街敲盞賣冰聲下朝戚里香車迅扶彈諸郎駁馬輕
近日放鳶人漸少夜來微雨是清明

褪綿初試袷衣新楊柳風來縐麴塵簾底呼名輸小宋
花間贈果羨安仁六宮脂水添春漲九陌香泥襯紫裊
踏遍鳳城西去路韶光昵煞冶遊人

開溝過後百花殘早有豐臺繼牡丹婪尾風光洵異數
擔頭春色更殊觀攜樽看去香先醉走馬駝來露未乾
屈指一年芳事了幾回行樂在長安

少年行

驕嘶白馬傍花行錦鞵雕鞍照眼明走過画樓回首看
故拋金彈打流鶯
紅錦纏頭不論錢春風買笑向歌筵玉簫金管中宵歇
醉擁如花抱月眠
花前列炬照飛觴自劈蠻箋製樂章開出魏宮銅雀硯
玉人親捧到身旁

春場走馬擊星球千騎雄看在上頭出世自誇枝葉貴

封侯

清曉黃封出內家，紛攜銀盒餉春芽。昨宵馬上新傳進，已到江南穀雨茶。

小院

垂楊下馬叩柴扉，入院驚看香滿衣。一桁獨留春色在，紅薔薇映白薔薇。

初夏憶江南景物

頭番笋過又新茶，夢裡江南景物奢。最是牡丹開欲謝，玫瑰收買論籃花。
蚕豆肥時麥秀腰，吳儂饒口味偏饒。街頭幾日無刀鱸，又有鮓魚賣過橋。

別港潮通打棹迴，岸頭亭子棟花開。薰風吹過香膠味，知是邨南煮酒來。
布網從教烏雀驚，西園日日護朱櫻。自從拆了鞦韆後，花下惟聞擊竹聲。

瑣牕

瑣牕深閉百花叢，閒煞金鉤控晚風。小燕未容窺戶牖，竒香那許出房櫳。愁蛾想見燈邊簇，画靨遙憐鏡裏紅。料得踏青寒食近，定逢南陌鈿車中。

廢苑

古道誰家苑，荆榛半掩門。雨淋金鎖繡，塵冒蠶牕昏。破徑殘碑補，斷垣夕陽人跡少。何處問王孫。

輓桑夫人靜菴兼慰德其

誰令垂老滯天涯十載勞心兩鬢華
輦下新詩傳咏絮 閣中細楷羨簪花
牙籤空秘圖書府 曾有詩冊進呈 絳帳長懸
任女家薄命才人同一嘆斷魂芳草夕陽斜
雲樹鄉閨夢裏遊病餘猶自說揚州
釵梳拚擋供家計 兒女經營累客愁
枝上青春容易老鏡中白日苦難留
蕭蕭短髮東風惡為語梁鴻莫淚流

重三

小雨霏微送巨羅重三今日興如何
相沿舊俗仍寒食 不減遺風近永和
城外綠楊侵亞字簾前歸燕碍微波
當年好事君知否又向山陰載酒過

戊戌榜後送良御南歸

相看此別最酸辛同是劉黃一輩人
君去名山供著述 我留京國尚風塵
雷轟日下空文藻 良御選有日網 遍
中原失鳳麟老識龍頭終有屬他年
早占曲江春

昨會

昨會群仙阿母家彩鸞雙引紫雲車
瑤池晏罷飛瓊去 留得釵頭纈子花
黃金條脫降羊家知是仙人萼綠華
一曲鳳笙留不住 天風吹落碧桃花

合歡詞

書初 銀河路始通酒傾金鑿落花映玉玲瓏雜

管春奏華燈結夜紅寶奩開素影團扇着方空壓髻
釵垂鳳纏腰帶珮璫騎蟾辭桂殿捧貝出龍宮石擬三
生訂緣非邂逅同祇應愁閉月疇不歎驚鴻妙麗天生
就端相画欠工仙姿看窈窕星眼覺朦朧閣煖香風度
鄉柔淑景融雲翹藏鈿盒錦被覆薰籠弱態含愁黛芳
心露綺叢行雲來夢峽比翼狎歡櫬繾綣情難盡徘徊
未終莫嫌良夜促明月在梧桐

不待

不待牽牛鵲渚邊停梭底事下瑤天穿鍼會上曾相識
乞巧樓前最可憐香冷步虛星欲滴夜闌私語月將偏
乘風一別支機石小謫塵寰十五年

二月廿九日作

長記春風二月時櫻桃花下把君卮蕭疎供具隨家儉
淡薄粧施與性宜十載驅馳應笑我百年稱慶慣輸伊
琴樽定有安閒日莫為浮雲怨別離

襟詩

翡翠牕標白玉除年時碑版夢中書仙人近日無消息
思煞花前小鹿車

設榻

清風時到碧紗厨四面荷香襲五銖歌枕自眠相葉下
新蒲八尺勝龍鬚

玉枕玲瓏貯素馨夢回熏徹酒微醒橫陳不用明珠照

自有清光射画櫺

池上

青團扇子曲池頭幾度來逢鏡裏遊蓮粉一灣風自散
荷珠千點雨初收鴛分比翼迎雙槳蟬曳殘聲近小樓
新月照人歸去後晚涼吟斷木蘭舟

瓊樓

瓊樓十二列仙居纔去瑤天尺五餘為語上元詢往事
偶逢黃石授竒書洞中只食青精飯水上惟乘赤鯉魚
聞道蓬山經弱海往來應自有飈車

偶書

珊瑚筆格水晶池欲寫春愁寄所思自取澄泥湔宿瀟

好量花露和隄靡

刺桐花下綠牕明紺帙牙籤事事清宿雨乍收簾半捲
有人來聽讀書聲

春遊

好手誰能賦兩都春明親見上河圖桃花水暖浮黃頰
楊柳風柔叫画胡玉勒爭馳車炙轂名園相倚市交衢
當壚貰酒青旗下為問金龜醉得無

春日和孫駕部韻

臘雪初銷綠滿溪袷衣風引入沙堤燕辭華屋經年到
鶯占瓊林盡日啼榆火禁烟寒食近杏花醑酒踏青齊
蓬萊咫尺春無限翠柳紅墻苑在西

枕上偶成

卧對殘燈照獨眠，百端交集枕函邊。
荒雞鼓角西風夜，斷鴈關河小雪天。
歲鑰屢更人事改，井轆頻轉客心牽。
年來宦興同冰炭，不及爐灰到曉甗。

歲暮禱書

年華銷盡軟紅中，斗柄星移旋欲東。
城巷冬深稀遇雪，樓臺春近易占風。
故人授粢分餘祿，新菜登盤薦蚤菘。
擁被日高方卧起，曉牕長見瓦霜融。
關東魚鹿滿街衢，氣象崢嶸逼歲除。
久客行藏僮僕懶，愛閒情性市朝疏。
天涯馬齒增新曆，風雪雞栖憶敝廬。
回首江鄉雲樹渺，萬金何日到家書。

樗材豈合置巖廊，西闕東華夢渺茫。
久歷班行遲作吏，空懸列宿刺為郎。
名場老我天何意，樂事逢春醉有鄉。
幾向鳳城驚歲晚，漫從年少學新粧。
着盡長安一局棋，閉門袖手看高低。
翩翩雪後迷鴻爪，蹀躞星前趁馬蹄。
巷鼓宵鐙喧似海，梅花臘酒飲如泥。
東皇慰我傳消息，先放春回禁苑西。

盆梅

燕市爭看出窖梅，買歸暖趁隔年開。
春風只道江南早，更早江南十倍來。
溪邊竹外慣行吟，蹋雪衝泥意獨深。
今日一樽爐火畔，須驢背更相尋。

風緊雲繁作雪天重簾暖閣對花眠炕頭香引瑤臺夢
未到羅浮已遇仙
竹籬茅舍數枝橫每到花時不入城記起屋邊三十樹
為君忽動故園情

韓少司農新構落成

風城西去接沙堤曲檻迴廊面面低退直幾逢休沐暇
五更輕報早朝雞
暖室新垂白氈簾綺疏香鴨護沉烟一樽蒲引黃封酒
醉裏渾忘數九天
玉軸牙籤萬卷餘晴牕檢點興何如等閑未許常人見
都是天家賜出書

朔風吹雪滿長安賜着輕貂了不寒添得西山牕外景
下朝先上小樓看
猩色氍毹匝地鋪融融光景世間無憑君更借調元手
為勘消寒九九圖

承明馬首見朝曦入直常看被
主恩身惹御香歸第
晚房攏深處盡春溫

又新築小樓成

小樓高出萬家烟下界人窺上界仙布席纔盈方丈地
披襟恰近九重天城頭日落山光紫樹杪青來塔影圓
遙想佛燈初上處西行歸炬引金蓮

樓中奉
大士像

西園即事

風 鴨脚滿空廊野菊籬邊放早黃幾日半晴兼半雨
可知天氣近重陽

雪中

獵獵西風雪正酣閉門三日卧袁安但教有酒何妨大
偏是無裘分外寒烏几漸高牕紙破硯蟾初結墨花乾
灞橋詩思應清絕一任梅梢壓凍鞍

龍姪生日詩以示之

吾家累世傳清白江左簪纓垂變變吳興分派及毘陵
甲第蟬聯今似昔毘陵首數光祿公一代勲名著鼎鐘
諫草千篇在人口當時自作清流宗繼起尤稱賢刺史
早掇巍科衣金紫功高銅柱到時平百粵長城屹然峙

爾祖文章更有名掄才徃徃冠群英金殿臚傳盡歎服
至今海內猶相傾愧我無能事奔走微名忝竊群公後
青緇事業在汝曹箕裘勿墮前人守汝與吾兒齒並長
汝文今比吾兒強鳳毛指日振霄漢吾家賴汝綿書香
送介山弟赴任永川

郟筒佳釀浣花箋此去為郎好是仙漫道之官將萬里
須知報政只三年吟成香國風生座卧對英山月滿天
春草不勞頻入夢繡衣遙待五雲邊

瓶荷和單庶常韻

亭亭 質自生香一種清芬到玉堂醉裏對君千遍咏
身已在橫塘

風輕綃帳自開夜深微嗅夢初回不須更嚼瑤池藕
已解相如渴病來

天津送白二秀才歸彭城

蒹葭老盡海門秋去去離帆載客愁末路未售千里骨
西風空敵十年裘雞聲遠統燕丹郭鴈影橫過太白樓
歸到雲龍饒著述讀書精舍近山頭

古從軍行

朔風吹雪滿陰山單于跳梁夜叩關漢皇徵兵出挑戰
萬騎曾無一騎還從此年年事征伐長驅填滿長城窟
裂膚墮指凍且僵不須對敵先淪沒積屍遍野草木腥
荒原白日鬼火青深閨夜夜夢相見可憐枯骨無精靈

我思民命一何苦棄擲沙場賤如土安得千秋萬載長
太平坐看唐堯兩階舞

棄婦行

十三學女紅十五理操作謹身如執玉不敢少差錯十
七嫁為婦得遂于飛樂上堂拜舅姑甘旨佐歡喙自憐
裙布姿守此藜與藿誰知一言忤中道恩情薄被棄在
路旁徒為閭里譴竭忠碩見疑欲美反得惡我生匪不
辰衆毀黃金鑠憔悴勿復言腰肢日以削妾悲自薄命
敢謂良人虐持此金石心寧憂委溝壑

異鳥篇

一異鳥 我庭之前諦視具五色羽毛豐且妍云

來暫假以息肩主人三歎惜愛此何翩躚相戒
善飲啄弗使違其天豈知群鴉性不解骨月憐耽耽伺
其旁一飽方欣然我哀此異鳥亦復遭迤邐彼鴉固不
良爾亦不自全胡為久棲止弗致青雲顛

門外

杏花十里酒旗新忙煞長安買醉人昨日打從門外去
馬蹄踏遍鳳城春

輕車

車如流水競斜陽芳草青青輦路長忽地一聲呼小宋
回頭已是隔宮牆

避暑

避暑新移 殿來芰荷香繞綠牕開竟床織得龍鱗簞
費却淇園幾笛材

六月廿七夜微雨頗涼偶得一絕

了無殘暑入虛堂細雨慵開簟一牀却恠海門風土異
不曾秋到已先涼

即佩谷水亭和家操堂太史韻

淥水城南萬柳斜伊人牕檻隔蒹葭長留詩卷同巢父
滿載茶烟似陸家淺碧自筍千斛酒高低間種一闌花
溪頭誰喚眠鷗覺有客初停太史車

代

龍去就瑤臺十二重玉杵白從塵世合

寶光集卷一
逢盤螭花結同心艷
睡鴨香浮百和濃
蕭史醉時芳讌罷
隔牕蓮漏正春容

題友人邨居

數椽茆屋杏花紅
橫板橋頭有港通
柳下小亭才一笠
門前餘圃只三弓
桑麻雞犬非秦世
人物衣冠近古風
我欲耦耕長結伴
荷鋤同入畫圖中

鴉紅橋旅舍

踈柳斜陽客倦行
鴉紅橋畔獨闌情
可憐下馬當牕處
一點秋花太瘦生

自津門歸舟中作

扁舟歸自海門邊
旅况無膠擁被眠
滿浦敗荷搖晚照

半溪衰柳隔秋烟
漁燈明滅依荒岸
鴈字欹斜沒遠天
三日水程行未穩
破愁全賴酒為緣

趙北口

酒旗斜露柳毵毵
側帽風前倚半酣
十里紅橋過趙北
廿年故我又燕南
江鄉粉本差相近
京雒緇塵恐不堪
躑躅馬蹄何日了
水光山色負魚龕

過琉璃橋

車走雷聲失睡鄉
琉璃橋上去匆忙
驚揩塵眼舉帷過
看盡西山在夕陽

盧溝橋

歷歷近 州一綫柔乾水
細流車馬幾經塵
撲面

醉 過柳牽愁早年通籍身仍賤長日離家老尚遊
橋上狡狴應見慣笑人躑躅又盧溝

黃金臺懷古

長占春風野薺開一坏空復剩崔巍但令世主能招士
何必黃金始築臺四海鳳麟歸苑囿中朝松栢盡徂徠
君臣此日多交泰那數燕昭市駿來

秋日寓齋襟咏和周雪村韻

自哂長為客年年廡下居羈愁牽旅雁鄉信斷雙魚抱
膝思殘夢支頤想誤書一樽聊遣興風月兩蕭疎
流光直如駛去去不復停老我頭將白伊誰眼更青晨
星沉曉角秋井絡寒瓶天地浮漚寄茫然大海萍

松栢澹無色青青經歲寒世情從反覆吾道重金蘭飽
飮家常飯何辭本分官致君終有術不屑道齊桓
珍重吟佳句長篇復短篇輕寒明月夜細雨菊花天對
酒渾忘賤看山不記年耦耕曾共約歸計搃悠然
同學多華臉黃金空有臺綈袍應不戀東閣幾人開自
分甘貧性誰憐作賦才倚牕還寄傲無事劃寒灰
憑軒抽卷帙窺見古人心大道本來澹高情豈自今敢
言懷白壁不羨帶黃金擬向隆中卧逍遙梁父吟

含香堂於立秋日雨中移竹

上方 碧琅玕移趣新秋雨露溥從此玉階棲鳳穩

長日報平安

夜 懷和周雪村韻

霜威侵被 森寒燒盡銅荷燭淚乾撼枕馬嘶檐角驟
翻書鼠上案頭看窮愁剌立相如壁華髮難勝子夏冠
三十年來存故我依然風雪卧長安

長至前二日雪

風雪長安夜誰憐客邸寒祇愁雙鬢改倍覺獨眠難酒
盡樽壘耻灰深爐火歡漸看回暖律淑氣渡桑乾

長至

驚人節物去堂堂涉世支離黯自傷時命不隨陽漸轉
客愁偏與日加長枕中富貴荒唐夢眼底衣冠傀儡場
回首鶯花空老盡春明塵染鬢毛蒼

待字

待字年年守鏡臺春風安敢怨標梅明珠自古原無價
白璧何人肯自媒薄命瓜期天共遠斷腸花信淚同催
浣紗溪上空芳草不見王孫秣馬來

粧竟

報道新粧竟遲疑曉閣中佩腰嫌漢玉照面愛秦銅暗
感羞蛾翠微生暈臉紅不知心膽怯女伴羨乘龍
珍重釵頭燕今朝上綠雲問年輸碧玉評貌過雙文繡
帶鴛鴦綰羅衣豈惹薰香階行未穩擡動隱花裙

香屏看上頭新歡無暇易生愁若非宋玉難為賦

仙合住樓脫下短衫分妹着畫成雙黛要郎修
箕錢花底時節猶記相逢滿面羞

詩篇口授記還生箋尾依稀認小名隣里傳來新髻樣
教坊翻出舊歌聲歡筵畧坐寒猶淺罰盞寬催醉亦輕
每到夜堂先囑付不教燒燭到三更

一月粧臺注起居閒情瑣屑逐時書生成聰慧人難到
賦就輕盈画不如簾押雙垂銀作蒜釵梁斜控玉鏤魚
近來百藝無心學漸與隣家姊妹疎

画閣粧成不卷簾芙蓉雙照鏡中妍調酥只合兒郎好
擁背何勞女弟憐茜袖過薰容易淡髻花經宿未全薦
歡情一似初盈月守得嫦娥近望邊

秋夕

穿針樓下玉屏空青粉墻根咽露蟲採得鳳仙花一斛
金盆同搗月明中

席上戲贈

字字明珠貫入雲肉聲如竹聽難分恠他滿座山堂客
走上紅衢只注君

白團扇

團如明月潔如霜長在青奴白拂旁一榻茶烟詩夢醒
幾回枕上得新涼

上空亭薄醉迎風酒易醒每到夕陽憑水榭

鴨自梳翎

秋

寒塘楓老葉初稀又見西風冷客衣
礎杵有時爭斷續
鴈群無日不紛飛孤村未黍秋先盡
古戍牛羊暮自歸
回首故山天樣遠平蕪一片襯斜暉

送陳甥聚旗赴任蓬溪

爭看借寇向巴天青石山頭暫着鞭
去路麥風吹候館
到時花雨潤蠻田琴聲遠徹長瀘外
詩思清隨箬竹邊
還望政成歸覲早繡衣驄馬起英年

同家梅溪大史賦得

御製沙柳暗紅橋分限得

橋字

上苑春風早沙堤遍柳條溪迴迎絲
仗徑轉鎖紅橋嘶
馬疑無路啼鶯若見招靈槎如可問
咫尺到雲霄

九日和吟濤樾芬韻

九日秋光轉眼逢黃金臺畔菊花叢
老看兩鬢星星白
醉覺衰顏旋旋紅御苑樹留霜後葉
燕山雲戀晚來風
登高有客酬佳會細酌茱萸對暮空
側帽吟哦到夕陽騷壇旗鼓任雌黃
十年待字同牛走
千里懷歸逐鴈行自笑歌魚長作客
誰云入粟便為郎
何當手 河水 洗悲秋九曲腸

清懷珮集追和悼亡韻

遠山眉月鏡樓前忍再窺
彤管贈貽纔幾日

多時可憐慧極難兼福始信情深易入癡
二十年 再世 堪重省悼亡詩

差喜愁潘剩此身京華消遣廿年春何須鄭重傳釵盒
正好分明認笑顰燕入畫堂依舊主駕歸錦水記前因
朝來試檢花枝看穠李天桃取次新

初寒

嫩寒時節早霜天昨夜初裝襪被綿隣火催機噓北垞
腰鎌穫稻及南田新添敗葉供茶竈喜見肥螯上客筵
自笑年年當此際詩情先到菊花邊

固安道中

驢背輕敲夕照間倦行人與暮雲間晴巖一抹林梢見

似看嘉黃屋後山

書感

破帽蒙頭懶着鞭十年遊子半幽燕西風吹上疲驢背
抵山齋放脚眠

家計纔能十口餘長腰百斛便充如誰知近日衣魚詫
只蠹田園不蠹書

慚愧微名列孝廉高堂祿養幾時沾總饒博得官厨飯
祇恐春風白髮添

漁樵隨 生涯心餓皆因識字差躑躅軟紅成底事
一年 歸家

桐葉上

慢遲嫩涼吹雨入新詩
驚秋一片梧桐葉

飄落

硯池

閣門人

堂空露冷瑤階咽
百蟲自捲疎簾看夜色

星光幾點碧梧中

片雲吹雨下平臺
薄薄秋陰向晚開
獨倚高梧彈綠綺
隔牆推過月明來

玉宇深沉月殿涼
晚風偷得木樨香
碧梧影裏無人見
倚遍闌干秋夜長

雨後納涼和雪村韻兼呈含香主人

薄暮陰雲卷空庭
雨乍過碧垂雙樹迥
青入四山多爽氣
生虛葦涼風送巨羅
不知天上客清興更如何

大樹和李六司馬韻

寄跡巖阿久風霜飽
有年蟠根應拔地
黛色可叅天節以孤
彌峻材因老更堅定
知梁棟器終不困山顛

感事次韻

壯志消磨漸不如
秋花空向客中舒
誰憐白首猶彈鋏
自恨青山未著書
落落晨星當路少
蕭蕭舊雨到門疎
年來出處都商定
何用先生更卜居

戲贈在清納姬

華閨新

城邊

予多情締好緣
一綫自縈千里外

年前一來駕牒非容易
探得驪珠豈偶然

懷珮日分明重接
藍珠仙

人謂姬即懷珮後身故云

凡骨非真仙形慢神亦穢安能享長年庸

主日對

難久延所以西王母致書上元前顛屈

阿環駕相須共流連

王嬙在漢宮顏色冠當時不屑事賄賂妍者遂為嗤一朝見人主方驚絕世姿名姓既遠達追悔良已遲千載有餘恨何況身受之悠悠毀譽人振古有如茲

君王愛老臣而臣獨年少君王尚少年而臣年已老如何一馮唐所遇獨顛倒年亦不在少年亦不在老惟期臣生年適合君王好

梁鴻竄海曲賈誼流長沙豈無明聖主放棄天一涯竈

邊爨焦尾獄底沉鏌釵良材不見收千古同咨嗟

誰云爛羊胄一朝都騎尉誰云爛羊頭一朝閔內侯爵賞濫如此貽笑垂千秋得亦似窮狗失亦如浮漚得失在片時富貴吾何求

相如賣酒傭入粟得為郎豈期駕駟馬乘傳返故鄉間居茂陵日有女艷新粧一見情即移更欲效求凰再諷白頭吟此意徒徬徨

晚閣

晚閣

花時覺露香浮林間月出琴樽靜
檻直如船上坐捲簾疑向鏡中遊

一曲菱歌起白鷗

上青青草色勻歧路豈無名下士
輕車容 中人生涯難買千場醉樂事休辜二月春
回首江南歌板地綠楊紅杏幾番新

需次

名心未淨落塵寰跼躅京華馬足間老望銓除慚守部
謬曾入粟欲歸班服官已覺頭臙異食俸還愁歲月慳
報國公忠疇昔願不辭冰蘖鬢毛斑

春到

春到江南雪自消一湖新漲綠迢迢東風依舊勻桃柳
可有心情上画桡

即事

花梢垂露滴闌干池閣香銷起暮寒坐伴烏衣紅燭下
西南月落未能拚

樓頭

漸覺春寒減樓頭社燕來廉纖一夜雨報到杏花開

秋夕

倚徙高梧下詩成月滿亭微風生木末吹動一池星
訪隱

微 埋名姓問來稀畫畦種菜都成卦
合圍 看隣花春共醉偶逢僧奕暮忘歸
村童信竹裏雲封白板扉

館生微涼高梧露華滋四壁鳴蛩蛩獨
宿不
卧方床俄馬夢遊去歷歷非荒唐初行
十餘里交蔭蔽松篁漸入愈竒妙恍隔天一方丹崖出
懸瀑碧澗跨飛梁白鹿藉幽草赤鯉泳芳塘文鸞舒錦
翼縞鶴垂玄裳琪花散如綺珠樹列成行芝挺九莖秀
蓮開並蒂香玩賞殊未已飛甍聳道旁儼若帝子居樓
觀鬱輝煌黃金鑄作柱白玉琢為墻雕簷類編齒瑤階
似截肪棟宇繪雲藻椽桷燦琳瑯仰視何壯麗俯思費
猜詳童子導予入屏息候東廊須臾主者出端冕坐中
堂方瞳鼻隆準面紫虬髯蒼傳呼上殿陞再拜心皇皇
命立侍左右恩遇禮位常湘靈瑟徐鼓弄玉簫並揚成
君擊方響飛瓊奏鸞簧衆樂既齊舉布席前侑觴冰盤
薦火棗玉杵搗玄霜王母劈麟脯雲英進瓊漿三爵告
辭起主袖秘龍章綠玉綴蚪蚪指示語微茫默誦叩謝
歸童子仍趨蹌甫送及門外忽墮千仞崗駭汗夢初醒
齒頰餘芬芳蘭膏半明滅斜月猶在房起視天欲曙耿耿
星河長



國家圖書館, NATIONAL CENTRAL LIBRARY, TAIWAN, R.O.C.

富貴集卷一

三

四

霞光集

霞光集
詩卷二

國家圖書館, NATIONAL CENTRAL LIBRARY, TAIWAN, R.O.C.

昆陵

沈鍾

鹿坪

自笑頻年為客慣，解鞍逆旅便如家。
嘹唳寒雲沒雁行，斷碑枯樹共蒼涼。
伯夷豈肯埋周土，豫讓偏能及趙襄。
馬過敵橋猶辟易，薇生荒塚尚含香。
村墟幾處牛羊下，側帽行吟到夕陽。

過中條山宿李秀方別業

繞屋青山萬疊遮，過山十里到君家。
柿林老笛殘葉，菊圃霜清見晚花。
挿架書抽紅線傳，活壚泉煮密雲茶。
最憐地主殷勤意，掃榻分燈向碧紗。

贈王子仲山

三年邊徼借前籌，萬里歸來志未酬。
江上彌衡猶有賦，蜀中司馬已無裘。
窮途聲價誰青眼，絕塞風霜易白頭。

戎馬陰山方轉戰那容高卧老林止

九日同芮城錢大令過中條嶺

九日無端賦遠征登高恰喜上山行千重落木王官谷
一片開田芮伯城羊角風輕吹雨帽馬頭日淡捲雲旌
憑誰載得淵明酒滿酌茱萸向晚晴

祝猗令

百里符分古今孤下車三月政全孚煙墟尚有人歸市
夜戶曾無吏索租腰下佩刀爭買犢庭前按牘省鞭蒲
曲江晏罷群英後早識龐公是鳳雛
唐虞舊俗易安全勤儉餘風尚宛然雨後一犁耕舜坂
花前三祝頌堯天城臨山麓雲生座人在琴床月滿弦
勾漏丹砂知不羨使君家世出彭錢

月夜抵永樂宮

日暮悲遊子行行路轉賒奔蹄穿月影側帽落霜花野
霧橫荒磧寒泉咽淺沙遙看烟樹裏燈火有人家

贈李明經

青蓮別業許經過老去詩人興若何金斗
銀箏低按雪兒歌司空谷裏居相近無忌門前客到多
見說懶園風月好莫教清景日蹉跎

芮署 王德方姊丈夜坐話舊

西風振林木寒聲塞愁耳伏枕不成寐起坐燈光裏相
對話酸辛忘形洽汝爾追維四十年 速若彈指浮雲

渺無定世事互榮否當時頗繁盛座上 貂珥轉盼變
滄桑烏衣空燕子爾我皆密親念之為汗泚 才既不
遇我力復綿紙悼歎徒紛紛中宵共徙倚豈惟事升沉
聚散亦如此人生不自惜若欲去鄉里相見良所難
思復何底明朝陟中條遙隔暮山紫

留別朱東起

銅官咫尺望中迷何意天涯慰所思踏月馬蹄
聯床燈影共支離客途似我貧兼病風誼如君友作師
此去關河嗟歲暮那堪雨雪正臨歧

李君席上

尋春底事獨來遲深悔多情杜牧之惆悵却輸雙玉燕

不曾看得上頭時

樓頭画鼓未三通走馬頻催似轉蓬羞煞照人殘蠟炬
替垂紅淚半宵中

曉陟中條

未曉登程去揚鞭逐雁羣馬嘶山背月雞唱嶺頭
緊穿征袖霜繁積戰裙下方曾宿處俯視 氤氳

老女吟

東家有女年十六昨夜堂前拜花燭西家有女年十二
昨日曾通媒妁言可憐老女笄已及標梅殆盡春風泣
上有明月墻下有羅襦裳左右盛箱籠中設合歡床床
上獨眠起自顧矜桃李顏色嬌如花芬 蘭芷他人

不言好我自知可憐抱此冰雪姿守貞 待年

平陽署中留別呂大孝廉卽和原韻

倦遊舌敝百無成馬首蕭蕭邁帝京誰向歧途悲措大
自知俗吏薄儒生天涯烽火傳聞異故舊交情旦暮更
姑射那堪回首望亂雲落日不勝情

豫讓橋

馬上長歌義士行斜風細雨出蒙城只今豫讓橋
嗚咽猶疑帶不平

懶園卽席和韻

小築名園恭澗東著書人喜近司空踈簾掩映千山裏
曲檻低徊萬樹中酒盞香浮花底月茗爐紅趁柳梢風

最憐十二金釵伴長與琉璃硯匣同

四面青山好卧遊何須着屐更尋幽巖前雲影無心住
石上泉聲自在流歌板緩催金鑿落舞鬟斜墮玉雕搜
世人爭說嵇康懶偏有餘情傲五侯
綠陰水簟展湘紋酒畔青娥迥不群三疊涼風飛
一鈎新月墮烏雲踈狂故態應憐我曠蕩

猶憶聯吟皮與陸互推詩字日 曛

翠影籠庭一半深笑看雙頰枕紋侵楊花春後原無蒂
蓮子秋來別有心眼底歡情同璧月樽前淺黛妬遙岑
幾回去住渾難定倚遍闌干費苦吟

自笑驅馳過一生頻年踪跡似 萍 谷口真難到

揚柳津頭又欲行，敢望雙文長薦枕絕。
蓬山若許時相訪，海上風波定不驚。

子晉獨吹笙
樹杪秋河匝地長，坐來偏覺夜初涼。
月領桐陰到淺廊，妙友詩箋分硯席。
故山無恙歸何日，空負江南舊草堂。

何處溪山好，放吾一鞭誰肯贈。
舊醞家藏不待沽，歸燕日長窺硯水。
向平已了先生願，媿我空存七尺軀。

高枕羲皇寄北牕，臥聽水調發新腔。
蟻鬪南柯未受降，鏤雪詩成珠作字。
應門白鶴閒無事，來徃山頭只一雙。

題画扇却寄

誰把秋棠画折枝，草間絡緯織相思。
腸斷金風玉露時，幽情一片那堪寄。

白苧辭

長安十五誰家女，向人抑覺情何楚。
不歌綠水歌白苧，樽前一曲歌未終。
日暮青山隔短亭，竟爾飄然上去。

賦得 家砧杵動秋聲

底事聲聲擣不休，滿城刀尺動鄉愁。
深巷驚回萬戶秋，遠趁悲笳來絕塞。
經心自笑浮雲客，長向西風擁敝樓。

無題

紅蛛縫鏡兆佳辰，占得南園第一春。
私喜今霄諧舊約，紛從隔巷看新人。
乍梳鬢雲猶濕，學掃蛾眉翠未勻。
喚出畫堂推阿母，幾回簾外更逡巡。
合卺杯承赤玉盤，新裁錦被覆雙鴛。
屏間嗔妹交頭語，燭底羞郎注眼看。
嬌小未能忘故態，矜持那許盡

最憐誤認西南月，強起粧梳犯曉寒。
鴛鴦小牒下須臾，一諾輕量百琲珠。
旋裊春雲籠繡襪，便薰蕙澤換羅襦。
驟聞說嫁心先軟，會得琴挑意早輸。
明日試從簾下看，守宮顏色淡些無。
幾度聽歌荷目成，拂香檻畔話三生。
未逢白璧難求種

纔挿黃花已定情，到手新歡知鄭重。
關心舊事費經營，只愁容易催人去。
腸斷斑駁送遠行

秋日同飲懶園兼送孔妹丈子箴

憑軒一飲懶園秋，緩住行旌醉莫愁。
笑語喧闐紅樹出，笙歌嘹唳碧雲留。
驚回猿鳥聞中趣，點破溪山物外幽。
綠竹東山非好事，忍教寂寞對名流。

九月初五日扣懶園韻

稱觴偏喜近重陽，滿泛茱萸酒更香。
謝女丰姿如菊澹，蕭娘情味與天長。
百年應許偕人老，一曲休教惱客腸。
我欲留仙來掌上，來風輕挽六銖裳。

戲贈陳藻如

空下鴛鴦小牒文曾經巫峽笑氤氳但知神女都攜雨
未必襄王即夢雲遮莫齊諧傳恠事依稀花月記新聞
閉門羨在應難却料理香魂一近君

題芮城八景圖

條山疊翠

縣僻間無事青山半繞城課農兼載酒疑向畫圖行
黃河翻雪

立馬津亭下驚看雪浪來滔滔何日返誰是濟川才

卜館春風

先賢舊講臺千載人猶重古樹何森森春風出絃誦
段廬夜月

寂歷空山外高賢有故廬斷垣人跡少明月照庭除

魏城夕照

廢壘空荆棘相傳古魏城夕陽懸樹杪牧笛弄新晴
水谷秋聲

翠嶂千重合丹楓萬樹明欲尋棲隱處一片是秋聲
楊林暮雨

宿雨連山寺瀟瀟向晚天遙看叢樹裏征騎入 烟
塔寺晨鐘

浮圖破曉烟百尺立林表鯨鐘時一吼驚起千山鳥
李秀才席上作

隔歲曾從永樂遇朝元人去奈予何門前一抹秋山在

畫出飛瓊兩翠蛾

司空席上見倉皇一曲伊州淚幾行醉乞紫雲憐杜牧
恐教紅粉笑踈狂

晚涼庭院雨絲絲伴客茶漿去獨遲話到香銷銀燭盡
畫屏前更立移時

賦就新詩欲寄難恐教平地起波瀾多情最易招讒妬
袖向無人悄自看

雨後望中條山

秋雨連宵攪夢情仙居咫尺隔瑤京巫娥只在巫山下
却被雲遮看不成

萬城錢青田大令於琴署西偏構綠屏書屋落成

鑿得方塘半畝餘瑤池分水種芙蓉風迴几席搖仙珮
雨過河源逗客車十丈香疑來華嶽一泓清喜出階除
晚涼亭下多時坐花氣霏微襲滿裾

亞字牕櫺網碧紗罩來金柳萬條斜縱橫緗帙書連屋
交錯觥籌客坐花四海共知歸季布一時爭欲識朱家
平生慕義真無匹門外長嘶白鼻駒

五風十雨歲多穰繞郭秋來晚稻香茅屋烟生無儉色
官亭月上有清光時時不厭迎佳客日日何妨在醉鄉
擊壤漫勞歌帝力堯天還恐讓羲皇

題畫冊

白菜

但可知此味不可有此色披對殊欣然令我鄙 食

芋

煖燒榻拙地爐紅相約山中好過冬煨得蹲鴟同袖手
雪牕閒看太湖峯

菱

不聞蕩漿吳娘唱四角何來出水菱髻鬢江鄉蘆墅裏
銅鐺月下興初乘

蓮蓬

秋風湖上紅衣盡露出蓮房淺水濱記得玉人纖手劈
握來顆顆綠珠勻

笋

勿謂泥蟠久干霄自有時籜龍乘夜雨頭角出踈籬

扁豆莢

落落柴門晚應看豆莢肥秋風為客久見爾忽思歸

雪中題姚方起百花画卷

高齋袖手雪如拳何意名花次第看我欲與君浮大白
借春三日敵他寒

舫齋

宰靜房攏碧玉家一亭如舫寄蒹葭人逢良夜偏宜酒
座有傾城好是花索笑幾曾拋筆硯愛閒原不廢箏琶
迷香洞裏尋常到十二雲屏曲曲遮

十日東萊一字無新歡惟有醉工夫帳中懸蛤嫌明月

霞光集卷二

屏裏棲鴛勝畫圖行雨高唐真夢境窺牆宋玉豈登徒
紅樓自是神仙窟漫向蓬山問絳都

將赴大梁話別

新歡驀地釀成愁百計偏難定去留顧我強為當面笑
對人猶作見時羞盈盈紅淚千林醉脉脉迴腸九曲流
咫尺梁園飛雪候最宜珍重鷓鴣裘

人前諱說是相思淡鎖春山露一絲甚欲殷勤將別酒
更無聊賴到臨歧恋群羸馬嘶寒埭斷愛鄰雞絮隔籬
屈指摩訶池上月好憑盈缺數歸期

題画漁婦

綠波低醮柳條春折得柔枝貫白鱗沽酒杏花村店晚

阿誰來喚賣魚人

襍詩

輕衫重向晚來添料峭春寒分外嚴獨自杏花樓上坐
半開紅格待新蟾

讀霍小玉傳

鸚鵡籠中喚李郎櫻桃樹下立徬徨青驪駒子黃金勒
釀盡傷心勝業坊

櫻桃執燭寫烏絲三尺空填皎日詞悵望東都音信杳
端居八月負秋期

西市垂憐老玉工紫釵猶識霍王宮賣來公主錢都盡
只博崔生一信通

曾大集卷二
崇敬花媒是牡丹抱持鄭曲夢黃衫車門空鏤無情種
恨入芳心到死銜

清映堂種竹

為探平安信時開白板扉舊梢繞過屋新綠早侵衣月
影成千个風聲滿四圍何須來問主到此便忘歸

一笠

一笠知誰搆登臨興自幽溪雲吞折檻嵐翠入空樓灘
急常疑雨山深不待秋主人如好客不惜重淹留

桃源洞口和石壁陳先輩韻

誰遣飛花逐水流我來乘興一停舟溪光倒影千巖秀
樹色遙傳萬壑秋渡口易迷塵世隔洞門無鎖亂雲浮

此中倘有人相問應笑饑驅老未休

又和同年張雪樵太史原韻

遮莫仙源好問津胡麻誰復飯劉晨風塵半世迷前路
洞壑何年慰後身乍入松杉偏碍客偶聞雞犬不逢人
桃花肯引漁郎棹長伴烟霞學養真

游雲半庵

絕壁臨潭上山門雲半開憑闌窺洞壑隔岸見樓臺鳥
下僧初定猿驚客乍來夕陽幽意愜空自棹船回

宿臨江閣和唐松巖韻

信宿臨江閣披襟對遠公無端投嶺外有分住山中夜
靜龍吟壑秋高鶴唳空一龕青嶂合蒲枕薜蘿風

送申松濤世講赴新任寧德即和留別原韻

敢說忘形爾汝呼平生風誼重良模一行作吏吾何後
送客之官興不孤買犢賣刀知政美五風十雨報民蘓
維摩病榻秋燈裏視事栽花記得無

秋日和唐使君韻

萬家烟火慶西成風物偏宜長吏情巷犬不聞驚夜戶
墟民無事入山城劃開潭影橋初構鑿破寒雲嶺被耕
獨有使君能愛士微行常戀讀書聲

再遊雲半庵

再鼓輕橈去重從雲半遊山僧迎舊雨物序換深秋紅
葉橫溪口黃花繞渡頭晚來吟興劇明月下沙洲

晚泊大窰

下得危灘日已斜孤村遙見有人家柴門幾處炊烟起
半在山椒半水涯

偕唐大令宿漳平陳秀才別業

為愛幽居勝欣然一過從霜酣鷓鴣葉秋老菊花叢
圖史三冬足琴樽此夕同願隨朋好後來往駐齋中
邂逅誰知己天涯忽見君青山依杜曲白首識參軍
細酌當秋暮清譚到夜分祇疑驚太史有象動星文

漳平道中雜咏

盡日都緣絕壑行半山黃葉筍輿輕谿迴忽地逢村舍
聽得芻檐打穀聲

入霧穿雲去窈冥到來木末有孤亭坐看隔岸秋山影
照在空潭似画屏

木葉丹黃九月天晚秋山色倍堪憐經行每到斜陽裏
一抹林梢起暮烟

半醉升輿睡正酣一龕兀兀似瞿曇夢中彷彿聞猿嘯
知是行過溜水潭

月下出城步至麟山寺

更啓重門鑰登臨興未闌樓臺烟際立城郭月中看夜
靜經聲寂秋高木葉乾為貪凌絕頂風露不知寒

雨中自縣早發

出郭迎微雨層巒瘴未收崎嶇烟徑滑嗚咽石泉流木

落山疑儉原空稼已秋浮雲靡定所長使客心愁

寧洋雜咏

剌水殘山外依然有一城松光供夜績火耨布春耕地
僻風常陋民溥訟易平蒲鞭無所事莫辨長官清

綠樹全遮寺青山近繞城窺書餘鳥跡喧枕足溪聲吏
散惟抄史官閒只勸耕咿唔深巷月長伴使君行

地暖春來早山高月上遲登樓看野燒卷幔見村炊茗
自隣僧餉蘭從舊雨移徃還人漸熟脫畧少威儀

何意逃名客翻隨度嶺遙深秋多瘴癘薄俗近苗獠破
臘花爭放經冬葉未凋一年人住此風景自蕭蕭

除夕溫陵署中守歲和唐省庵韻

宜春聊復榜紅牋兩度閩南守歲筵久客思家都澹宕
他鄉聚首亦團圓彈冠有慶知何日覽鏡多慚莫問年
自笑阿婆行漸老敢從三五競唾妍

元日再和原韻

驀地春隨曉漏生燭花開處已盈盈坐看好客皆添歲
老覺新詩倍有情東閣官梅同索笑荔枝佳釀自相傾
明年此際朝元日願逐相如頌晏清

新正十日晚抵驛坂和壁間韻是日大風甚冷

春山行役動羈思况復新年感歲時宿雨已隨朝氣散
狂飈偏向客衣吹冰霜驛路寒猶在燈火柴門到獨遲
村酒一樽聊共醉心期惟許故人知

宿坊口次壁間韻

報國空餘一寸丹投閒歲歲滯江干馮唐自分臣今老
范叔誰憐客尚寒壯志銷磨悲馬捩鬣毛羞溢誤儒冠
長年作嫁勞鍼綫慚愧栽花令是潘

過楓亭

眼前山色舊曾經臨到歸時分外青最喜此行風味美
荔枝紅熟過楓亭

詠史

佩相印

金盡裘亦敝歸來嫂不炊一朝佩相印匍匐誠何為

夷門監

當時四公子爭高下士名夷門有監者千古一侯生

種蠡風

勾踐棲會稽終能沼吳國種蠡風尚存至今人巨測

綈袍贈

早知念故人安用綈袍贈天道常好還報復多相稱

白衣冠

相送易水濱衣冠白如雪一去豈復還長與荆卿別

博浪椎

誰飛博浪椎白晝天地晦雖云中副車祖龍膽已碎

秦坑灰

惜哉秦坑灰詩書燒未了終古誤儒生流毒尚不小

赤松遊

本為報韓出誰知竟帝劉強秦既族滅自與赤松遊

飯王孫

慚愧封侯日千金報母恩世風應漸薄誰肯飯王孫

棄繻生

前時棄繻生今看乘傳出須知大丈夫會有揚眉日

貝子祠

天生帝胄作周楨麾指東南到即平兩浙鯨鯢隨浪靜
八閩妖孽望風清旂常懋著金甌績鐘鼎榮鐫玉牒名
姬旦元勳今再見奠安宗社倚長城

王師十萬出炎方坐擁貔貅定海疆烏道暗梯蠻霧黑

火營連捲陣雲黃長驅敗屌松溪外早豎降幡劍水旁
妙算神機推第一捷書飛奏達長楊

身先士卒掛征袍冒鎬衝鋒敢憚勞半壁擎天資柱石
百城歸命待旌旄軍容整肅摧山岳銳鼓喧闐撼海濤
上將功成星欲隕蒼生疇不念思膏

思流海滙入人深遺像天南鑄有金烏石山頭仍廟祀
綠榕城畔遍棠陰穹碑紀績千秋字俎豆抒誠萬古心
繼世夔龍承祖烈袞衣重覩動謳吟

屏署自咏

新闢山城草昧初民風樸陋吏迂踈一經自課諸孫讀
半畝親教老僕鋤香篆雲生吞印把訟堂苔綠上階除

盤餐漫道無兼味筍蕨春來食有餘

新建義學成口占示諸生

新分百里重宮牆更為諸生築講堂一柱峯高來秀色
三台雲近護奎章敢矜桃李春風遍自愛詩書午夜長
喜得官閒頻到此草深言偃半庭荒

登三台閣

倚空高閣紫山顛暇日登臨尺五天石磴重重盤翠靄
紅闌面面壓晴烟參差城堞雲連麓遠近人家燕繞塵
富庶關心惟教育春風絃誦夜如年

春日東郊勸農

載酒春山自勸耕官亭雜沓共歡迎溪迴樹繞青旗轉

雷州集卷之十一
風定花隨翠蓋輕已荷恩綸蠲宿賦更占豐穰報秋成
太平樂事原多象野老休誇長吏清

過九峯寺

乍入九峯路峯高不易攀僧巢雲外寺人種屋頭山落
澗龍藏鉢空堂虎居闕登臨殊未倦身在翠微間

雨中過前塘嶺

一兜雲霧裹去去入層巒路自齊腰上山從仰面看溪
聲經雨壯樹色帶烟寒興吏休言瘁前村可暫安

題屏南八景圖

有說

三台擁翠

三台山在縣治後三峯並列如三台蒼翠可

觀為一縣之屏障

羣峯羅列應台星屹立城頭獻地靈雨過每添春後綠
霧收常送晚來青女牆低處橫眉黛官閣開時展畫屏
千古有誰求片石山顛為勒峴山銘

兩澗迴瀾

雙溪至城西南隅交匯每當雨後泛溢雪浪
奔騰波瀾萬狀

雙溪如帶抱山城春澗初看春水生細浪浮花分燕尾
驚濤觸石動雷鳴漫言清淺難通楫且喜連漪可濯纓
借得餘波資灌溉好從南畝課農耕

文峯挺秀

雷光集卷一
玉柱峯俗名文筆峯特立縣治南秀拔千尋
高出雲表

一朵芙蓉翠削成天然文筆啟文明仰窺閭闔丹青近
俯視滄溟南斗平仙掌遙從雲外出露盤高向月中擎
披襟遮莫當窗立喜挹朝來爽氣清

傑閣凌雲

三台閣在紫山之半俯視城郭溪山宛如圖
畫誠一縣之勝概

巍巍傑閣映奎文牕檻玲瓏敞入雲一點紅燈高處見
數聲清磬下方聞鉤簾景色歸圖畫插架縹緗盡典墳
碩發經史
收藏在閣應有青藜燃太乙伊唔常到夜初分

印山積雪

玉印山在縣治東南其山最高雪後積素凝
輝皎如銀巘

朔風吹得雨聲乾添作山城一夜寒萬樹低垂冰簌簌
千巖遙積雪漫漫圍爐袖手尋詩易着筆推牕欲畫難
我獨關心占上瑞豐年先替老農歡

鐘嶺殘霞

金鐘山在縣治西每當夕陽返照雲霞掩映
絢爛如綺

墟烟初起日平西掩映殘霞拂樹低返照人家歸燕急
斜陽村路暮鴉啼城頭画角山光紫谷口踈鐘楚霧迷

震光集卷二
最是牧童牛背穩
笛聲兩兩過前溪

南橋春霽

迎恩橋在縣治東南
通古田孔道
春雨初晴
往來行人絡繹不絕

鳴鳩聲裏雨初收
菴画溪橋細水流
擔荷紛看趨曉市
犁鋤爭見及春疇
柳條風軟天桃綻
竹篠烟微紫蕨抽
幾度恩迎亭不過
又傳丹詔出皇州

北寺秋聲

北巖寺在縣治東
竹樹叢雜
每當秋風乍起
萬木蕭森如聞天籟

滿山木葉繪丹黃
一派秋聲在上方
風雨瀟瀟吹敗壁

松杉颯颯響空廊
豆花露下蛩鳴切
稻熟霜來雁影長
記得幽公當九月
憂民早計授衣裳

題同寅程湘臯歸耕圖

琴鶴清操久著聞
思波遙接海天雲
芙蓉闕下曾攜我
發閩時同桑柘圖
中又識君萬卷
舊傳兕革讀一犁
新結丈人芸
秋風漫起歸田興
霖雨蒼生望正殷

遊靈巖寺

出郭雖云數里餘
到門塵網已全除
初行翠靄衣裙濕
直踏層雲洞壑虛
一徑濤寒松謾謾
萬竿玉冷竹踈踈
維摩丈室清如許
堪笑烏紗定不如

遊北巖寺

為愛北巖寺偷閒一出城過溪惟鹿跡繞路有松聲翠
自鬚眉滴雲從衣袂生山靈知我到先遣老僧迎

上元後風雪交加擁爐輯志喜連江戚使君致酒
燒燈過後朔風尖閉戶圍爐雪滿天政在豈堪青史載
書成應得故人憐陽春有脚知何處造物無私恐未然
投筆捲簾浮大白興酣翹首海門邊

喜輯志成為賦二首

三年教養費辛勤喜見民風漸轉淳比戶絃歌遊化日
四郊耕鑿載陽春自知善政須因地敢謂巖疆在得人
慚愧世為清白吏先光祿公現忍將兩字負君親
樊籠何意脫拘牽天與閒居了一編未竟功留今日補

許多事待此身傳奚煩再續同班史只合深藏似腐遷
為語攀轅諸父老好看循吏播安全

題福安蕭寅丈青草塘祖居記後

瓜瓞綿綿卜此塘天生瑞草自呈芳青雲第宅山爭統
白露伊人水一方百世衣冠成氏族萬年子姓薦烝嘗
蘭陵舊望傳今昔穎士遺休澤正長

晚抵閩清溪口

新發江流去馬馳孤舟逆上一帆支渡頭日落人呼急
溪口烟生客到遲澹月入林風細細踈燈傍岸影離離
故人珍重勞相憶折簡頻招敢後期

盤谷寺

青山於我有前因早覺行來隔世塵出郭數重繞到寺
入門半日未逢人香臺烏下間中趣古洞雲歸局外身
久已淡忘空色相擬將瓢笠結僧隣

輯閩清志題節婦周淑耀傳後

天地有正氣首在敦彝倫臣忠與婦節千古常不泯梅
水清且駛巾幗多完人緬維劉母賢早歲諧朱陳豈意
中道乖連理遭遭迤貞操厲冰雪勁節凌松筠所重在
志節何敢怨艱辛歲寒歷已盡大造回洪鈞翩翩膝下
兒栩栩席上珍九重沛雨露一朝下恩綸特賜坊與祠
照耀梅水濱奕葉垂不朽俎豆長如新

又題烈女孫錦玉傳後

遺箋成永訣和淚達雙魚鄭重辭親意叮嚀別妙書寸
心良已定一死更無餘絕筆垂青史鬚眉信不如

題採芝圖

遙憐弱海隔蓬萊踏得紅蕉破浪來底事嫩瓊衫袖濕
乍從瑤島採芝回

歸里後作

一官牢落誤平生歸橐風餘兩袖清賣斷薄田難貼絕
歌斜老屋費支撐三年客破黃梁夢千古誰傳青史名
回首閩南腸欲裂泣聲遮道出山城

米盡曾無隔宿罌曉炊常斷買臣薪篋不及顏淵樂
襟履真同原憲貧老去尚過窮歲月宦成徒見笑親隣

寶光集卷二
禍胎坑絕殘書本莫更留貽累後人

